

# Poet e criticher divertan il public

■ (map) Dumenic Andry ha publitgà da primavaira ses cudesch da poesias «sablun». En il discurs cun Clà Riatsch ha el raquintà da sias preoccupaziuns da poet. A la dumonda da Clà Riatsch co ch'el vesia la discrepanza tranter chattar sia atgna vuschi e repeter las vuschs dad auters ha manegià Dumenic Andry ch'el as haja dumandà sch'i fetschia insumma da basegn da chattar quella. Ch'el as saja conscient ch'el repetia patratgs e pleuds da

poets, ma ch'el haja il basegn da tschertergà il dialog cun els, ha manegià Andry. Empè da s'occupar cun la naiv s'occupa Andry dal sablun, ha ditg Riatsch facend allusun a la nova revista da l'Archiv svizzer da litteratura. Pliras poesias che Andry ha prelegi han dà l'occasiun per discurrer davart rima evidenta, rima interna, rima zuppada sco era davart auters detags linguistics u semantics. Grazia a las remartgas dal criticher

versà ha il public pudi percepir meglier divers detags da las poesias. Uschia per exemplu las significaziuns ambivalentas da «sun» ed «esser süls fiers». Surtut la poesia «November ramoschan» è, tenor Clà Riatsch, ina percepziun scenica precisa dad in fatg che tutz dus han passentà a Ramosch. La discussiun ha dà ina stupenta invista en la lavour dal poet sco era dal criticher, e quai da maniera fitg divertenta.



Il poet Dumenic Andry (a san.) ed il moderatur Clà Riatsch han discurrì davart il cudesch da poesias «sablun».



Cun agid d'in dat ha la moderatura Viola Pfeiffer tschernì la successiun da la prelecziun da la pagina.

FOTO F. ANDRY

## Dialogs divertents

■ (map) Empè dad ina concurrenzia da scriver cun giuria e premi hai dà quest onn ina piattaforma per auturs, nummada «La pagina». Questa veva da cuntegnair la devisa «En posiziun! – Pront! – dai!» Las cundiziuns eran en pli ch'il text duai esser in dialog rumantsch, ch'el na dastga betg esser pli lung ch'ina pagina. Per restar en la furma da sieu ha in

dat decidi davart la successiun da prelecziun. Set auturas ed auturs han divertì il public cun lur texts curts. Intgins eran scrits à la «WathsApp» cun scursanidas e segns ed auters eran pli literars cun temas variads. Remartgabel il text dad in simpatisant dal rumantsch che ha fini sia lectura cun dir: «En posiziun! Pront! Dail!» per emprender rumantsch.

## Ina novella revoluziunara

■ (map) Selina Chönz è enconuschenha sco autura dad Uorsin e Flurina. Sia novella «La chastlauna» mussa ch'ella saveva era scriver prosa da qualitad per creschids. Mevina Puorger, l'editura da l'ovra redida, ha preschentà la novella da la scriptura, oriunda da Samedan. Selina Chönz (1910–2000) ha publitgà «La Chastlauna» l'onn 1940 en la retscha da «La chasa paterna», ediziun da l'Uniun dals Grischs. La novella quinta da la vita difficile da Giorgia a Castelmur che banduna la via predestinada da ses bab, il chastellan Fortunat. Empè da maridar in um nobel u ir en claustra decida Giorgia da renunziar als privilegis, dadds ad ella en tgina. El-la vul manar ina vita simpla, vardaiyla ed accumplida. Ils fatgs da la novella

èn istorics e capitan durant il temp da la Refurma, las figuras percuter èn fictivas. Ins po supponer ch'il raquint, dedigà a ses marid Iachen Ulrich Körn, ha tratgs autobiografics. Era l'autura sezza è ida la via da l'indipendenzia ed ha stùi as confruntar cun ina societat ostila a l'emancipaziun da la dunna. Er ella ha segui al clom da l'amur ed ha surpiglià responsabladad per sia decisioen. Mevina Puorger e Jachen Andry, che han tgirà ensembe l'ediziun che cuntegna er anc in glosari, speran che la novella possia entrar en las scolas. Ins po be sperar che questa pedra preziosa da la litteratura rumantscha chattia l'accoglientsha ch'ella merita. Dal 1940 era ella revoluziunara, ses messadi resta anc oz actual.

## Anc bler da scuvrir

■ (map) Il destin dals pastiziers grischuns a l'ester è enconuschen. En il discurs cun Esther Krättli ha Linard Candreia revelà però plirs detags novs. Sis cartulinas, vul dir, sis texts scrits per la gasetta, ha prelegi Linard Candreia. Quels han tematisà tutti la sort da differents Caffés en l'Italia, oriundain en possess da Grischuns. Cumenzà ha il viadi a Bari tar ils Stoppanis e cuntinuà cun ils Caprez a Brindisi. Sias proximas cartulinas han menziunà ils Cavie-

zels e Caflischs en Sicilia, ils Tramèrs en Sardegna per rivar en la Toscana tar ils Gillys, Riaccis e Caflischs. L'ultima anecdota è stada il resultat da la casualitat da stuair far fermativa a Vercelli en il Piemont. Là ha scuvert Candreia in Caffè-taverna Tarnutzer che vegn manà en quarta generaziun dad in confamigliar. A la dumonda da la moderatura sch'el na saja betg be in nostalgicher, ha Candreia consentì argumentond ch'i saja impuriant dad enconuscher il passà per chapir

meglier il preschent. Ils detags revelads han divertì il public, en spezial il fatg ch'in Flütsch dal Partens fascheva a Massa Carrara l'avantmezdi da pastizer ed il suentermezdi da dentist, ina cumbinaziun insolita, ma betg senza logica. *Linard Candreia* ha cuseggià da leger la gasetta dal lieu en ils Caffès per vegnir a savoir dal passà. Cun questa metoda ha el già success tar sias retschertgas ch'el vegn a cuntinuar ils proxims onns en l'Austria e la Germania.



Esther Krättli e Linard Candreia s'hanno messi in l'«Fastiz da pastiziers grischuns en Italia».



La moderatura Chatrina Urech e l'autur Attilio Bivetti s'enconuschan già dapi ditg.

MAD

## Istorgias fictivas cun basa reala

■ (map) La Chasa Paterna è in periodico da l'Uniun dals Grischs. La nova publicaziun cuntegna istorgias dad Attilio Bivetti. Suenter avairà già grond success cun ses «Ventins e ventatschs da Fex», edids da la Chasa Paterna, preschenta l'autur da Segl ussa traïs istorgias dal temp vegli. Questas giogan durant il 19. avel tschientaner. La realitat da quella giada enconuscha l'autur da raquints da ses tat e da ses barbas sco era da documents scrits. Plirs fatgs istorics han fasci-

nà Bivetti da maniera ch'el ils ha transformads en istorgias. Questas èn davenadas captivantas e lur lectura è divertenta. Il stil è savens cundi cun ironia ed il fatg che l'autur ha scrit plirs raquints criminals sa spievla er en questas istorgias. Las traïs istorgias tematiseschon la lavour da teginair frestg las mangiativas cun tocs da glatsch dal lai, la vita isolada dad ina famiglia purila durant il lung temp d'envergn e la vita dals emprims turists en il Hotel Alpenrose a Segl.